

տատ. և անտի ի սպահան, ի սպահանու ի շիրաս, և ի շիրասու աստ: Զայս ասացեալ եցոյց ինձ զգիրսն վկայականս, մինն ի մեծաւորէն Հոռոմայ, երկրորդն ի մեծաւորէն լիբանանու (յորս գրի, թէ վասն շինելոյ մեր զվանս ի հոռոմ՝ անկաք ընդ մեծամեծ պարտիք. և դարձեալ գրի, թէ վասն տղքատութեան մերոյ՝ ոչ է մեզ հնար պարապիլ յիմաստութիւնս, վասն որոյ ինդրեմք յաստուածասիրացդ ողորմիլ մեզ ևն.): Երրորդն զիր օրհնութեան ի կաթուղիկոսէն... և չորրորդն է յընդհանրական քննչէ առաքելոյ ի պապէն ի լիբանան հինգ ամօք յառաջ վասն միաբանելոյ զերկու ուղղափառ կաթուղիկէ եպիսկոպոսունս հոռոմոց՝ որ ի լիբանան. (իբր զի յընտրելն զկաթուղիկոս հոռոմոց, ոմանք միումն հաւանեալ, և ոմանք այլումն՝ բաժանեալ է կաթուղիկոսութիւն նոցա, և վասն այսորիկ առաքեալ է պապն զքննիչ յորոշել զիրսն): Սա գնացեալ ի լիբանան պատահի հայ կրօնաւորացն. և տեսալ անդ զմանկունս ոմանս յուսումն պարապեալ, հարցանէ նոցա, թէ ուստի՞ է ապրուստն ձեր. և նոքա ասեն, ոչ ուստեք, բայց եթէ ի լիբանց անտի, և այն սակաւ յոժ՝ մինչ ոչ կարել լիով յուսումն պարապիլ: Եւ նորա խորհուրդ տուեալ, ասէ, առաքես՞ չիք զոմանս յայլևայլ կողմանս աշխարհիս, որպէս մառոնիքն ասենն. և յուսամ թէ բազում ինչ կարէք ժողովել ի պիտոյս կարօտութեան ձերոյ ի դիւրութիւն ուսման: Յայսմանէ յորդորեալ նոցա առաքեալ են զհայրն արբահամ ի հընդկաստան, և զհայրն անդրէաս յայլ կողմանս. և այժմ յայս կողմանս ևս ընդ հ. մատթէոսին: Զայստիկ լուեալ իմ ի նոցանէ, ես ևս գովեալ զյօժարութիւն նոցին, ուրախացայ ընդ նոսա, և խոստացայ ևս ձեռնտու լինիլ նոցա որչափ հնար է ինձ. և ամենայն սիրով ծառայել յօժարութեան նոցին...

Հուստ ծառայ

Յամի տեան 1770 ի յունիսի 8
ի Պատրա

Հ. Միքայէլ Չամչեանց, վարդապետ

ՄԼԶ.

Զրհեղեղ մը՝ բառին կատարեալ իմաստովը, որ տեղի ունեցեր է այս թուակահանին՝ Պաշալուովի և շրջականերու մէջ՝ Տօն գետի և այլ ջուրերու ողողումով ու եռամսեայ յամառ և յորդահոս անձրևներով: Կերկայ վաւերագիրը ընդարձակ և հետաքրքրական նկարագրութիւնն է այդ երևելի աղէտալից դէպքին:

Գերապատիւ աքբայ հօրն իմու՛մ բազում սիրով և խնամարևոքեամբ ողջոյն ի Քրիստոս Յիսուս

... զպատկերն ջրհեղեղին մեք աստէն ականատես եղաք...: Աճումն ջրոյն սկսաւ ի գիշերի ծննդեան տեանն, ի միում գիշերի այն ահագին ծովանման գետն թունայ մի մարդապոյ բարձրացաւ, որ չէ բնաւ եղեալ, յետոյ դադարեցաւ այնպիսի սաստիկ աճումն, այլ յաւուրն թզաչափ և մատնաչափ աճէր մինչև ցհոգեզալտեան երկրորդ օրն և ելից զամենայն դաշտս, զգիւղօրէ անթիւս տապալեաց. այլ մեզ մինչև ցայն օր էր խաղաղութիւն, լսէաք միայն զտառապանս այլոց, զփախչիլն ի լերինս, զանասնոց կոտորածս և ցաւէաք միայն: Բայց յերկրորդում աւուր հոգեզալտեան յանկարծակի ի չորից կողմանց պաշարեաց զմեզ ջուրն և եմուտ ի քաղաքն հեղեղօրէն. երկիրն ոչ կարէր օգնել ձեզի զջուր, և յառաջոյ կողմանէ արգելեալ էր անցք ջրոյն վասն բարձրութեան ջուրցն սաւային, թիսային և մօրուշին. ո՞վ ամենակարօղ տէր. զիարդ դիւրին է նմա ի միում վայրկենի զաշխարհս ամենայն կորուսանել. սաստիկ է հրդեհն, այնպէս կարծէի, բայց ջրոյն բռնութիւն անցանէ զանցանէ զնովաւ, զի ի հրոյ կարես փախչել, այլ ի ջրոյ որ շուրջ շուրջանակի պատեալ է, ո՞ր կարես փախչել. աստ էր տեսանել զանհնարին աղէտս տարակուսանաց ամենայն մարդկան, մայրն զգաւակն մատղաշ առեալ ի տանէ ի դուրս